



## Strategija Dunavskog regiona (EUSDR)

Oblast koju pokriva Strategija EU za Dunavski region proteže se od Crne šume (Njemačka) do Crnog mora (Rumunija - Ukrajina - Moldavija) i dom je za 115 miliona stanovnika.

Strategija Dunavskog regiona pokriva veliki broj pitanja, podijeljenih u **4 stuba** i **12 prioriternih područja**. Svako prioriterno područje vode dvije zemlje kao koordinatori prioriternog područja (KPP).

**Koordinatori prioriternog područja** vode upravljačke grupe koje su stručni pokretači svakodnevnog provođenja aktivnosti. Upravljačke grupe, sa članovima iz svih uključenih zemalja, su osnovane za sva prioriterna područja. Njihova uloga, kapaciteti, resursi i angažiranost su ključni za uspjeh.

KPP-i, zajedno sa upravljačkim grupama, osiguravaju provođenje EUSDR-a (npr. dogovarajući se o planiranju, ciljevima, pokazateljima i rasporedima i osiguravajući bliske kontakte među promoterima projekata, programe i finansijska sredstva te pružajući tehničku pomoć i savjete). Njihov rad je međunarodni, međusektorski i međuinstitucionalni. KPP-i i upravljačke grupe također podržavaju izvještavanje i procjenjivanje EUSDR-a, oni identificiraju napredak u vezi sa poboljšanjima koja se postižu akcijama i projektima te putem postizanja ciljeva. Oni, također, redovno podnose informacije/izvještaje o svom radu.

Listu KPP-a zajedno sa njihovim kontakt informacijama možete pronaći na internetskoj stranici [Contact PACs & NCs](#).

**Državni koordinatori (DK)** su osnovno strateško tijelo unutar vladajuće strukture. Oni imaju funkciju strateške koordinacije unutar svoje državne ili regionalne vlasti. DK koordiniraju i nadgledaju učešće svoje zemlje u provođenju EUSDR-a, uključujući svih 12 prioriternih područja (PP). Oni, također, promoviraju EUSDR i informiraju na državnom i regionalnom nivou sve relevantne učesnike o ključnim dešavanjima, pokrenutim inicijativama, uključujući usklađivanja politika i finansiranje. Sastancima DK predsjedava zemlja koja obavlja dužnost rotirajućeg predsjedavajućeg, a koja ih priprema i organizira uz podršku Trojnog predsjedništva EUSDR-a, Evropske komisije (EK) i Dunavske strateške tačke (DST).

DK-i su aktivno uključeni u diskusije/odluke Odbora za praćenje Međunarodnog programa za Dunav (Danube Transnational Programme - DTP), i to na jedan od sljedećih načina: kao punopravni član Odbora za praćenje (OP) DTP-a, posmatrač, član državne delegacije ili kroz uključenost u državne komisije ili druge formalne/neformalne zajedničke procedure koje prethode sastancima OP-a.

Listu DK-a zajedno sa njihovim kontakt informacijama možete pronaći na internetskoj stranici [Contact PACs & NCs](#).

**Prioriterno područje 1b - za unapređenje mobilnosti i multimodalnosti cestovne, željezničke i zračne veze** koordiniraju Slovenija i Srbija.

PP-i 1b se bave izazovima prometa, koji je od suštinske važnosti za razvoj poslovnih i slobodnih aktivnosti. Promet olakšava međunarodna partnerstva i veze, napredak trgovine, nauke i turizma. On je po prirodi složen uslijed razlika u vidovima prometa i razvoju zemlja, regiona i

kontinenta. Sve gore navedeno se može vidjeti u makroregionu Dunava. Održavanje cesta i cestovna sigurnost, željeznički teretni promet koji doprinosi punoj modalnoj integraciji i unaprijeđena zračna povezanost su godinama prioritet u Prometnoj agendi EU, kao i u većini državnih prometnih agendi. Zajednička za sve vidove prometa su pitanja u vezi sa efikasnošću energije i emisijom konvencionalnih zagađivača, što zahtjeva sveobuhvatne akcije na lokalnom, regionalnom i globalnom nivou.

### **Koordinacija za Sloveniju**

Ministarstvo infrastrukture

**Franc Žepič**

Koordinator prioritetnog područja

### **Koordinacija za Srbiju**

Ministarstvo izgradnje, prometa i infrastrukture

**Miodrag Poledica**

Koordinator prioritetnog područja

### **Spisak ciljeva EUSDR-a**

#### **Prioritetno područje 1b "Unapređenje mobilnosti i intermodalnosti - željeznica, cesta i zrak"**

1. Podrška efikasnom teretnom željezničkom prometu i unapređenje vremena vožnje za konkurentne željezničke putničke veze između glavnih gradova u Dunavskom regionu (DR) do 2030. godine.
2. Podrška potpuno funkcionalnim multimodalnim koridorima TEN-T osnovne mreže do 2030. godine.
3. Podrška razvoju efikasnih multimodalnih terminala na moru, rijeci i suhim lukama u Dunavskom regionu i osiguravanje njihove povezanosti i pristupa kroz integraciju svih vidova prometa i efikasne logističke usluge do 2030. godine.
4. Podrška unapređenju regionalne zračne povezanosti i provođenju inicijative Jedinstveno evropsko nebo.
5. Unapređenje sekundarnih i tercijarnih cesta u DR-u.
6. Podrška sigurnom i održivom prometu i mobilnosti u Dunavskom regionu.

Više informacija o EUSDR-u možete pronaći na internetskoj stranici <http://www.danube-region.eu/>